



# Dámhachtain Sparánachta don Rannpháirtíocht sna hEalaíona 2025 Babhta 1

Treoirlínte d'iarratasóirí

Spriocdháta: 5.30pm (am na hÉireann), Déardaoin an 13 Feabhra 2025

## Clár na nÁbhar

Nótaí tábhachtacha .....	5
1. Faisnéis faoin Dámhachtain Sparánachta don Rannpháirtíocht sna hEalaíona .....	6
1.1 Cuspóirí agus tosaíochtaí na dámhachtana .....	6
Tosaíochtaí straitéiseacha .....	7
1.2 Athruithe ar bhabhta 1 den Dámhachtain Sparánachta don Rannpháirtíocht sna hEalaíona 2025 .....	7
1.3 Cé atá i dteideal iarratas a dhéanamh? .....	8
Babhtaí sparánachta .....	9
Nóta maidir le comhionannas, éagsúlacht agus ionchuimsitheacht .....	9
1.4 Cé nach bhfuil i dteideal iarratas a dhéanamh? .....	10
1.5 Cá mhéad ar féidir leat iarratas a chur isteach ina leith? .....	11
Nóta i dtaobh tú féin a íoc .....	12
Nóta faoi chostais eile .....	12
Costais rochtana d'ealaíontóirí nó rannpháirtithe faoi mhíchumas .....	13
1.6 Cén seans atá agat tacaíocht a fháil? .....	15
1.7 Costais nach féidir leat iarratas a dhéanamh ina leith .....	16
1.8 Gníomhaíochtaí nach féidir leat iarratas a dhéanamh ina leith .....	16
1.9 Ábhar tacaíochta nach mór duit a chur isteach .....	17
Ábhar tacaíochta éigeantach do gach iarratasóir .....	18
Ábhar breise i gcásanna áirithe .....	18
1.10 Incháilitheacht – iarratais nach nglacfaimid leo .....	20
1.11 Cabhair theicniúil a fháil do d'iarratas .....	21

# Dámhachtain Sparánachta don Rannpháirtíocht sna hEalaíona 2025:

## Treoirínte d'íarratasóirí

2. Sula ndéanfaidh tú iarratas.....	23
2.1 An próiseas iarratais a mhiondealú ina chéimeanna .....	23
1. Seiceáil má tá tú incháilithe don dámhachtain seo .....	23
2. Cláraigh ar an tairseach maoinithe Seirbhísí ar Líne .....	23
3. Do chuid ábhair thacaíochta a ullmhú .....	23
4. Cuir d'iarratas isteach ar Sheirbhísí ar Líne .....	24
2.2 Ag clárú i gcomhair cuntas Seirbhísí ar Líne .....	24
larratasóirí nua.....	24
larratasóirí roimhe seo .....	25
Riachtanais theicniúla maidir leis na Seirbhísí ar Líne a úsáid .....	25
2.3 A chinntiú go ndéanann tú iarratas faoi d'ainm .....	26
Sampla .....	26
2.4 Seiceáil na bogearraí atá ar do ríomhaire sula ndéanann tú iarratas .	27
OpenOffice a úsáid .....	27
Nótaí tábhachtacha d'úsáideoirí Apple Mac .....	28
2.5 Glac do chuid ama chun d'iarratas a ullmhú.....	28
2.6 Ullmhaigh do dhoiciméid tacaíochta .....	29
Na formáidí comhaid a nglactar leo .....	29
Do chomhaid a ainmniú .....	30
Uasteorainn ar mhéid an chomhaid .....	31
2.7 Ullmhaigh do naisc URL.....	31
Leideanna chun naisc URL a úsáid.....	32
3. D'fhoirm iarratais a chomhlánú .....	33
4. D'iarratas a chur isteach .....	34
4.1 Logál isteach chuig do chuntas chun túis a chur le d'iarratas .....	34
4.2 Déan do shonraí teaghála a sheiceáil .....	34

4.3	Roghnaigh an maoiniú ar mian leat iarratas a dhéanamh air .....	34
4.4	Iontráil méid an mhaoinithe atá á iarraidh.....	35
4.5	Uaslódáil do dhoiciméid .....	35
4.6	Cuir d'iarratas isteach .....	36
	Nótaí faoi d'iarratas a chur isteach .....	37
	An dteastaíonn tacaíocht theicniúil uait? .....	37
5.	Tar éis duit iarratas a chur isteach – an méid a tharlaíonn ansin .....	38
5.1	An chaoi a ndéanaimid cinntí .....	38
5.2	An chaoi a ndéanaimid measúnú ar d'iarratas .....	40
	Caighdeán ealaíonta .....	40
	Cuspóirí agus tosaíochtaí na dámhachtana a chomhlíonadh .....	41
	Indéantacht .....	41
5.3	Próiseas an phiarphainéil.....	42
	Próiseas scórála an phainéil .....	43
5.4	Dearbhú leasa .....	44
	Dearbhú leasa na bpainéalaithe .....	44
5.5	Na chéad chéimeanna eile sa chás go n-éiríonn le d'iarratas .....	45
5.6	Na chéad chéimeanna eile sa chás nach n-éiríonn le d'iarratas .....	46
	Iarratas a dhéanamh an athuair leis an ngníomhaíocht chéanna .....	46
5.7	Achomharc a dhéanamh.....	46

Dámhachtain Sparánachta don Rannpháirtíocht sna hEalaíona 2025:  
Treoirlínte d'íarratasóirí

## Nótaí tábhachtacha

Teastaíonn cuntas Seirbhísí ar Líne na Comhairle Ealaíon uait chun iarratas a dhéanamh ar an Dámhachtain Sparánachta don Rannpháirtíocht sna hEalaíona 2025.

Ní mór duit clárú le haghaidh cuntas Seirbhísí ar Líne ar a laghad cúig lá oibre sula ndéanfaidh tú iarratas.

D'fhéadfadh sé suas le cúig lá oibre a thógáil orainn do chlárúchán a phróiseáil.

Ní mór do d'ainm clárúcháin agus d'ainm an iarratasóra ar an bhfoirm iarratais a bheith in ainm an duine atá ag déanamh an iarratais. Má fhaigheann tú maoiniú, íocfar isteach i gcuntas bainc an iarratasóra é.

### Iarratasóirí faoi mhíchumas

Déanann an Chomhairle Ealaíon gach iarracht freastal réasúnta a dhéanamh ar dhaoine faoi mhíchumas chun úsáid a bhaint as ár seirbhísí.

Má tá tú faoi mhíchumas agus má theastaíonn cúnamh uait le d'iarratas a chur isteach, déan teagmháil linn a luaithe is féidir roimh an spriocom.

- Teagmhálaí: An tOifigeach Rochtana do Dhaoine faoi Mhíchumas
- Guthán: 01 618 0200 nó 01 618 0243
- Ríomhphost: [access@arts council.ie](mailto:access@arts council.ie)

Faigh tuilleadh eolais faoi [chostais rochtana d'ealaíontóirí nó rannpháirtithe faoi mhíchumas.](#)

## 1. Faisnéis faoin Dámhachtain Sparánachta don Rannpháirtíocht sna hEalaíona

### 1.1 Cuspóirí agus tosaíochtaí na dámhachtana

Tá sé de chuspóir ag an Dámhachtain Sparánachta don Rannpháirtíocht sna hEalaíona tacú le healaíontóirí gairmiúla aonair atá ag obair in aon fhoirm ealaíne chun a gcleachtas rannpháirtíochta, comhoibríoch agus pobalghníomhach sna healaíona a forbairt.

Is féidir an sparánacht seo a úsáid chun **am a chaitheamh**:

- Ag obair ar do chleachtas, ina measc sin machnamh criticiúil agus measúnú
- I mbun taighde, ag smaoineamh faoi nó ag forbairt smaoineamh nua lena scaipeadh amach anseo. D'fhéadfadh a bheith ag obair le meantóir, páirtithe féideartha, ealaíontóirí eile nó gairmithe ealaíon a bheith i gceist leis seo
- Ag forbairt/foghlaim scileanna nua maidir le do chleachtas.

D'fhéadfá an sparánacht seo a úsáid chun:

- Tabhairt faoi thréimhse ghairid oliúna amhail máistir-ranganna nó deiseanna oliúna gairmiúla eile (bíodh sin go náisiúnta nó go hidirnáisiúnta)
- Méid teoranta trealaimh agus ábhar a cheannach le cabhrú le forbairt do chleachtais. **Tabhair faoi deara:** Ní féidir níos mó ná 15% de luach an iarratais ionláin ar thacaíocht a bheith i gceist.

## Dámhachtain Sparánachta don Rannpháirtíocht sna hEalaíona 2025: Treoirlínte d'íarratasóirí

- Déan meascán d'aon cheann de na gníomhaíochtaí thuas.

Ba cheart go gcuirfí an méid seo a leanas in iúl go soiléir i do thogra:

- Na gnéithe den chleachtas a bhfuil sé i gceist agat díriú orthu agus a fhiosrú
- An fáth a n-éascódh dámhachtain ag an am seo forbairt shuntasach i do chleachtas rannpháirtíochta sna healaíona
- Conas mar a shocróidh tú sceideal ghníomhaíochtaí do thogra chun do chuid spriocanna a bhaint amach.

**Tabhair faoi deara:** Is é an **príomhfhócas** don Dámhachtain Sparánachta don Rannpháirtíocht sna hEalaíona an t-ealaíontóir agus fiosrú agus forbairt **chleachtas ealaíonta an iarratasóra féin**.

Is féidir leat gnéithe rannpháirtíochta agus comhoibríocha sna healaíona a chur le do thogra. É sin ráite, **ní bhíonn soláthar tionscadail mar fhócas ag Dámhachtain Sparánachta**.

### Tosaíochtaí straitéiseacha

Tá tosaíochtaí na dámhachtana seo ag teacht le tosaíochtaí [straitéis deich mbliana na Comhairle Ealaíon \(2016–25\)](#).

### 1.2 Athruithe ar bhabhta 1 den Dámhachtain Sparánachta don Rannpháirtíocht sna hEalaíona 2025

Níl aon athrú ar an mbabhta seo den Dámhachtain Sparánachta don Rannpháirtíocht sna hEalaíona.

Bhaineamar úsáid as treoirlínte Béarla Simplí chun cáipéisí na Dámhachtana Sparánachta don Rannpháirtíocht sna hEalaíona a nuashonrú.

### 1.3 Cé atá i dteideal iarratas a dhéanamh?

Tá an dámhachtain oscailte d'ealaíontóirí gairmiúla ar cónaitheoirí de chuid Phoblacht na hÉireann iad.

Ach, i líon teoranta cásanna, féadfaimid glacadh le hiarratais ó lasmuigh de Phoblacht na hÉireann. Sa chás seo, ní mór duit a lua i d'fhoirm iarratas an chaoi a rachadh do thogra chun tairbhe na n-ealaíon i bPoblacht na hÉireann. Chaithfimis a bheith sásta le do mhíniú.

**Ealaíontóir gairmiúil** is ea duine:

- Atá ag leanúint gairm bheatha mar ealaíontóir in aon fhoirm ealaíne go gníomhach
- A áiríonn a gcuid cleachtais ealaíon mar a bpríomh-phroifisiún nó gairm bheatha. Baineann seo fiú murab é a gcuid oibre na healaíona a bpríomh-fhoinse ioncaim nó má tá fostáiocht eile acu.
- Atá aitheanta mar ealaíontóir cleachtach gairmiúil i measc a bpiaraí.

**Is féidir leat cur isteach ar an sparánacht seo sa chás:**

- Go bhfuil cuntas teiste agat maidir le bheith ag obair go comhoibríoch le daoine aonair agus le grúpaí gairmithe nach gairmithe ealaíon iad chun ealaín a dhéanamh
- Go n-oibríonn tú in aon cheann de na comhthéacsanna seo a leanas:
- Sláinte
- Míchumas

## Dámhachtain Sparánachta don Rannpháirtíocht sna hEalaíona 2025:

### Treoirínte d'íarratasóirí

- Éagsúlacht chultúrtha
- Aosú cruthaitheach
- Forbairt an phobail
- Pobail áite nó pobail chomhspéise eile.
- Go léiríonn tú fíos ealaíonta agus tiomantas soiléir do thorthaí ealaíonta i do chuid oibre, mar aon le spriocanna ar bith eile, mar shampla cuimisiú, folláine agus forbairt an phobail
- Go gcinntíonn tú caighdeán na rannpháirtíochta i do chuid oibre – mar shampla, i bhforbairt, i bpleanáil, i ndéanamh, i gcur i láthair agus i meastóireacht na hoibre.

### Babhtaí sparánachta

Níl ach aon bhabhta **amháin** den Dámhachtain Sparánachta don Rannpháirtíocht sna hEalaíona in 2025.

### Nóta maidir le comhionannas, éagsúlacht agus ionchuimsitheacht

Mar chuid dár mBeartas Comhionannais, Éagsúlachta agus Ionchuimsitheachta (CÉI), cuirimid fáilte roimh iarratais ó gach cuid den phobal.

Tá aon cheann de na saintréithe sa liosta thíos le háireamh leis sin, cé nach bhfuil sé teoranta dóibh. Áirítear leis seo tionscnaimh a sholáthraíonn deiseanna nó torthaí cothroma do gach duine lena mbaineann.

- Inscne
- Claonadh gnéis
- Stádas sibhialta nó teaghlaigh

- Reiligiún
- Aois
- Míchumas
- Cine
- Ballraíocht den Lucht Siúil
- Cúlra socheacnamaíoch

Cuirimid fáilte roimh iarratais atá ionadaíoch ar ilchineálacht shochaí na hÉireann go speisialta.

## 1.4 Cé nach bhfuil i dteideal iarratas a dhéanamh?

Ní bheimid ábalta glacadh le d'iarratas má bhaineann tú le haon cheann de na catagóirí seo:

- Eagraíocht
- Ní ealaíontóir gairmiúil thú atá ag moladh do chleachtas ealaíon aonair a forbairt – mar shampla tárgí cruthaitheacha, coimeádaithe, bainisteoirí ealaíon agus gairmeacha ealaíon eile
- Mac léinn fochéime lánimseartha (ina measc sin bonnchúrsaí)
- Ag lorg tacaíochta i dtreo táillí le haghaidh ardoideachais/oideachas iarchéime nó staidéir (ina measc sin cúrsaí neamhchreidiúnaithe)
- Ag lorg tacaíochta i dtreo oibre atá á déanamh agat mar chuid de chúrsa foirmiúil, d'intéirneacht nó d'obair dheonach
- Má tá tú fostaithe go lánimseartha, caithfidh tú a bheith ag lorg am saor ón bhfostaíocht chun oibriú ar do chleachtas, agus ba chóir an

## Dámhachtain Sparánachta don Rannpháirtíocht sna hEalaíona 2025: Treoirlínte d'íarratasóirí

chaoi a bhfuil sé i gceist agat tabhairt faoi seo a leagan amach i  
d'íarratas

- Ní cónaitheoir de chuid Phoblacht na hÉireann thú (féach [1.3 Cé atá i dteideal íarratas a dhéanamh?](#) le fáil amach faoi na heisceachtaí a bhaineann leis seo)
- Comhalta Aosdána a fhaigheann cnuas (stipinn).

Ní ghlacfaimid le d'íarratas más fíor an méid seo a leanas i gcás do thogra:

- Tá príomhfhócas an togra ar thorthaí teiriipeacha nó cliniciúla
- Tá fócas ar dhaoine óga i gceist leis, ach amháin sa chás go bhfuil béis shonrach ar chleachtas ealaíon idirghlúine.

Ní féidir leat cur isteach ar níos mó ná Dámhachtain Sparánachta amháin in aon bhabhta maoinithe amháin. Mar shampla, ní féidir íarratas a chur isteach ar Dhámhachtain Sparánachta don Rannpháirtíocht sna hEalaíona agus ar Dhámhachtain Sparánachta Amharclannaíochta in aon bhabhta amháin.

### 1.5 Cá mhéad ar féidir leat íarratas a chur isteach ina leith?

Is féidir leat íarratas a chur isteach ar idir €5,000 agus €20,000.

Ní féidir leat íarratas a chur isteach ar mhéid níos lú ná €5,000 nó níos airde ná €20,000. Mura ndéanann tú amhlaidh, beidh d'íarratas neamh-incháilithe agus ní dhéanfar measúnú air.

Mar sin féin, féadfaidh ealaíontóirí faoi mhíchumas costais rochtana bhreise a chur san áireamh ina n-íarratas. Tá sé seo ar leithligh ón méid a iarrann tú le haghaidh do thogra.

Cuir isteach an tsuim ar mhaith leat cur isteach uirthi i gcuid 3 den fhoirm íarratais.

Is dámhachtain do bhliain amháin í an sparánacht seo. Ní bhaineann an dámhachtain seo le níos mó ná bliain amháin.

## Nóta i dtaobh tú féin a íoc

Tá béim na dámhachtana seo ar “**am a cheannach**” do do chleachtas ealaíon.

Ba cheart an méid ba mhaith leat a íoc leat féin as an am a chaithfidh tú ag forbairt do chleachtais a chur san áireamh sa mhéid a iarrann tú. D’fhéadfadh go mbeadh sé seo cothrom le suas le 100% den dámhachtain.

Ba cheart duit íocaíocht chuí a thabhairt duit féin. Déan cinnte go ndéanann tú iarratas ar do dhóthain maoinithe le do chuid cuspóirí a bhaint amach.

Ba cheart go mbeadh an méid a íocann tú leat féin oiriúnach do na coinníollacha caighdeánacha i do réimse den chleachtas ealaíon.

## Nóta faoi chostais eile

Ceadaíonn an dámhachtain seo duit aon chostais eile a d’fhéadfadh tacú leat do chleachtas a forbairt a chur san áireamh. Mar shampla:

- Táillí cuí don am a chaitheann meantóirí nó comhoibrithe ag obair leat ar na gníomhaíochtaí i d'iarratas
- Costais na n-ábhar atá riachtanach chun do chleachtais a forbairt. Ní mór an t-ábhar seo a nascadh go soiléir leis an gcuspóir “am a cheannach”. D’fhéadfadh go mbeadh na costais seo cothrom le suas le 15% den mhéid iomlán a d'iarr tú.

Dámhachtain Sparánachta don Rannpháirtíocht sna hEalaíona 2025:

Treoirínté d'íarratasóirí

## Costais rochtana d'ealaíontóirí nó rannpháirtithe faoi mhíchumas

Tá an Chomhairle Ealaíon tiomanta dár gcláir mhaoinithe agus an obair a mhaoinímid a dhéanamh inrochtana do chách.

Tógann an Chomhairle Ealaíon an sainmhíniú ar mhíchumas ó Airteagal 1 de Choinbhinsiún na Náisiún Aontaithe ar Chearta Daoine faoi Mhíchumas, ina sonraítear:

“Áirítéar i measc daoine faoi mhíchumas na daoine sin ar a bhfuil mallachair fhadtéarmacha de chineál colainne, meabhrach, intleachtúil nó céadfach ar mallachair iad, nuair a nasctar iad le bacainní éagsúla, a d’fhéadfadh a bheith ina gcúis le cosc ar a rannpháirtíocht ionlán éifeachtach sa tsochaí ar an mbonn céanna le daoine eile.”

Is féidir leat costais rochtana do dhaoine faoi mhíchumas a chur san áireamh le d'íarratas. Tá dhá chineál ann ar féidir leat iarratas a dhéanamh ina leith.

### 1. Costais rochtana phearsanta nó do rannpháirtí faoi mhíchumas

Ba cheart go mbainfeadh an tacaíocht seo bacainní d'ealaíontóirí nó do rannpháirtithe faoi mhíchumas a bhfuil do thogra á sheachadadh acu. Mar shampla:

- Tusa
- Na príomhealaíontóirí, daoine aonair, grúpaí nó eagraíochtaí a bhfuil baint acu le do thogra
- Comhpháirtithe nó comhoibrithe
- Foireann léiriúcháin
- Príomhfhoireann nó príomhphearsanra riarracháin.

D’fhéadfaí na cinn seo a leanas a áireamh le roinnt samplaí den tacaíocht:

- Ateangaire Theanga Chomharthaíochta na hÉireann do rannpháirtí nó do rannpháirtithe
- Seirbhísí oibrí tacaíochta rochtana.
- Am breise cleachtaidh nó sa stiúideo.

**Tabhair faoi deara:** Is féidir cur isteach ar na costais rochtana phearsanta do dhaoine agus do rannpháirtithe faoi mhíchumas anuas ar an uasmhéid atá ar fáil don dámhachtain.

## 2. Costais rochtana lucht féachana do dhaoine faoi mhíchumas – costais a bhaineann le do chuid oibre a dhéanamh inrochtana do dhaoine eile

Is costais iad seo chun do chuid oibre a dhéanamh inrochtana do dhaoine faoi mhíchumas agus ba cheart iad a mheas mar ghnáthchuid de do chuid oibre. Táimid ag iarraidh a chinntíú go mbainfidh tuilleadh daoine sásamh as eispéiris ealaíon ar ardchaighdeán agus gur féidir le gach duine rochtain a fháil ar, agus sásamh a bhaint as an obair a mhaoínímid.

Samplaí de chostais rochtana chun do chuid oibre a dhéanamh inrochtana do lucht féachana is ea:

- Ateangaire TCÉ le haghaidh d'imeacht nó le haghaidh do thaibhithe
- Seirbhís tráctaireachta fuáime a úsáid
- Do shuíomh gréasáin a chur in oiriúint do léitheoirí scáileáin
- Ábhair thaispeántais a chruthú i bhformáidí eile amhail Braille nó fuaim.

**Tabhair faoi deara:** Ba cheart duit costais rochtana lucht féachana do dhaoine faoi mhíchumas a chur san áireamh sa tsuim ionlán a iarrann tú. Ní mór dóibh a bheith laistigh den uasmhéid atá ar fáil don dámhachtain.

Dámhachtain Sparánachta don Rannpháirtíocht sna hEalaíona 2025:

Treoirínte d'íarratasóirí

## Cad a tharlóidh má tá an maoiniú a thairgtear dom níos lú ná an méid a d'iarr mé?

Má thairgtear maoiniú duit atá níos lú ná an méid a d'iarr tú, pléifimid leat conas a bheartaíonn tú do ghníomhaíocht mholta a sheachadadh.

### Conas iarratas a dhéanamh ar chostais rochtana do dhaoine faoi mhíchumas

Ní mór dúinn tuiscint a fháil ar an bhfáth a bhfuil tú ag cur isteach ar chostais rochtana do dhaoine faoi mhíchumas agus ar an gcaoi a gcomhlíonann siad riachtanais do rannpháirtithe nó do lucht féachana.

Má chuireann tú costais rochtana do dhaoine faoi mhíchumas san áireamh i do thogra, ní mór duit na costais a léiriú in dhá líne ar leithligh den fhoirm iarratais.

- Líne do chostais rochtana phearsanta do dhaoine nó do rannpháirtithe faoi mhíchumas agus sin amháin
- Líne do chostais rochtana phoiblí do dhaoine faoi mhíchumas amháin

Caithfear cáipéis a uaslódáil freisin ina liostaítear na costais sin i dteannta na n-ábhar tacaíochta. Má tá tú ag déanamh iarratas ar chostais rochtana phearsanta do dhaoine faoi mhíchumas agus ar chostais rochtana lucht féachana do dhaoine faoi mhíchumas araon, caithfidh tú doiciméad a áireamh le haghaidh an dá chineáil.

### 1.6 Cén seans atá agat tacaíocht a fháil?

Is dámhachtain fhíor-iomaíoch í seo. Faighimid i bhfad níos mó iarratas ná mar is féidir linn maoiniú a chur ar fáil dóibh.

Má éiríonn le d'iarratas, déanfaimid iarracht an tsuim ionlán mhaoinithe a d'iarr tú a thabhairt duit.

Mar sin féin, coimeádaimid an ceart chun méid níos lú a thairiscint duit, má mheastar do thogra a bheith indéanta ar scála laghdaithe.

## 1.7 Costais nach féidir leat iarratas a dhéanamh ina leith

Ní féidir leat iarratas a dhéanamh i leith na gcostas seo a leanas:

- Costais nach n-oireann do [chuspóir na dámhachtana](#)
- Iarratais chaipitiúla chun trealamh a cheannach nó feabhas a chur ar spásanna oibre
- Síntiúis nach mbaineann leis an togra seo. Cuirtear ceadúnais leanúnacha bogearraí san áireamh leis seo.
- Táillí ballraíochta.

## 1.8 Gníomhaíochtaí nach féidir leat iarratas a dhéanamh ina leith

Ní féidir leat iarratas a dhéanamh i leith na gcostas seo a leanas:

- Gníomhaíochtaí nach n-oireann do [chuspóir na dámhachtana](#)
- Gníomhaíochtaí a oireann níos fearr do dhámhachtain eile de chuid na Comhairle Ealaíon
- Gníomhaíochtaí a oireann níos fearr do thacaíocht ó ghníomhaireacht rialtais nó gníomhaireacht phoiblí eile. Tá Cultúr Éireann, Fís Éireann agus institiúidí tríú leibhéal i measc roinnt samplaí díobh.
- Gníomhaíochtaí neamhealaíonta amhail gníomhaíochtaí acadúla
- Gníomhaíochtaí atá curtha i gcrích agat cheana

## Dámhachtain Sparánachta don Rannpháirtíocht sna hEalaíona 2025:

### Treoirínté d'íarratasóirí

- Gníomhaíochtaí ar cuireadh tús leo sula ndearnadh cinneadh maidir le d'íarratas (faigh amach tuilleadh faoi chinntí in [5. Tar éis duit íarratas a chur isteach – an méid a tharlaíonn ansin](#))
- Gníomhaíochtaí ag carthanais chláraithe chun airgead a bhailiú d'eagraíochtaí eile
- Gníomhaíochtaí a bhfuil sé mar aidhm acu páirt a ghlaicadh i gcomórtas
- Gníomhaíochtaí chun brabús a ghnóthú.

Ní féidir leat cur isteach ar ghníomhaíochtaí a ndearna an Chomhairle Ealaíon measúnú orthu cheana féin, mura féidir leat a léiriú go ndearna tú forbairt shuntasach ar an togra.

Airítéar scéimeanna seachtracha leis seo a ndéantar bainistíocht orthu thar ceann na Comhairle Ealaíon. Roinnt samplaí is ea Scéim na nEalaíontóirí sa Phobal agus Scéim Ceangal na nEalaíon agus an Mhíchumais.

Is eisceacht air sin an cás ina dtugaimid treoir shainráite go n-atreorófá d'íarratas ar an dámhachtain sin.

**Tabhair faoi deara:** Ní haon tásc é an moladh seo go bhfaighidh an t-íarratas maoiniú.

## 1.9 Ábhar tacaíochta nach mórtuit a chur isteach

Ní mórtuit ábhar tacaíochta a chur san áireamh i dteannta le d'fhoirm íarratais. Is cuidiú atá sna doiciméid sin don duine a bhfuil measúnú á dhéanamh aige ar d'íarratas le tuiscint níos soiléire a fháil ar do thogra.

Mura n-uaslódálann tú ábhar tacaíochta, beidh d'íarratas neamhiomlán agus ní féidir linn measúnú a dhéanamh air. Is é ábhar tacaíochta a bheith in easnamh an chúis is coitianta le hiarratais neamh-incháilithe.

Ní mór duit an fhaisnéis thíos a léamh go cúramach agus an t-ábhar tacaíochta a iarraimid a chur le d'iarratas.

## Ábhar tacaíochta éigeantach do gach iarratasóir

- CV cothrom le dáta, mionsonraithe ar leithligh (trí leathanach ar a mhéad) ina bhfuil cur síos soiléir ar do réimse cleachtais ealaíonta agus ar do chuntas teiste rannpháirtíochta sna healaíona. D'fhéadfadh ráiteas ar do chleachtas ealaíonta a bheith leis seo.
- Suas le cúig shampla de do chleachtas ealaíonta.

Má chuir tú aon duine nó eagraíocht eile le do thogra, ní mór duit an t-ábhar tacaíochta breise seo a leanas a chur le d'iarratas.

- Ráitis nó litreacha tacaíochta ó phríomh-chomhpháirtithe atá aitheanta i d'iarratas atá lárnach do do thogra, mar shampla rannpháirtithe nó ionadaithe grúpa, ealaíontóirí eile, meantóirí, maoinitheoirí agus aon pháirtí eile
- Beathaisnéisí gairide a thugann achoimre ar a saineolas, a gcreidiúnú agus a gcuntas teiste.

## Ábhar breise i gcásanna áirithe

I roinnt cásanna, is féidir gur gá duit roinnt ábhar breise tacaíochta a chur isteach le d'iarratas.

## Costais rochtana do dhaoine faoi mhíchumas

Má tá costais rochtana do dhaoine faoi mhíchumas san áireamh i d'iarratas, ba cheart duit doiciméad a uaslódáil ina liostaítar na costais sin. Má tá tú ag

Dámhachtain Sparánachta don Rannpháirtíocht sna hEalaíona 2025:  
Treoirlínte d'íarratasóirí  
déanamh iarratas ar chostais rochtana phearsanta do dhaoine faoi  
mhíchumas agus ar chostais rochtana lucht féachana do dhaoine faoi  
mhíchumas araon, caithfidh tú doiciméad a áireamh le haghaidh an dá  
chineáil.

Déan cinnte de do chostais rochtana iomlána do dhaoine faoi mhíchumas a  
liostú ar leithligh i do dhoiciméad buiséid féin.

Tuilleadh eolais faoi [chostais rochtana do dhaoine faoi mhíchumas](#)  
d'ealaíontóirí, rannpháirtithe agus lucht féachana.

## Oibriú le hainmhithe

Má tá obair le hainmhithe i gceist le do thogra, ní mór duit cóip de do *Bheartas agus Nósanna Imeachta um Chosaint Ainmhithe* a chur ar fáil.

## Oibriú le leanaí agus daoine óga

Má sholáthraítear seirbhísí cultúrtha, áineasa, oideachasúla nó seirbhísí eile  
do leanaí nó do dhaoine óga faoi bhun ocht mbliana déag mar chuid de do  
thogra, ní mór beartais agus nósanna imeachta oriúnacha um chosaint  
leanaí a bheith i bhfeidhm agat.

- Ní mór duit a chur in iúl cé acu a bhaineann nó nach mbaineann do  
thogra leis an aoisghrúpa seo i gcuid 1 den fhoirm iarratais.
- Má fhreagraíonn tú “Baineann” agus má éiríonn le d'iarratas, beidh ort a  
léiriú go bhfuil beartais agus nósanna imeachta oriúnacha um chosaint  
leanaí i bhfeidhm agat.
- Ní mór duit ár bhfoirm féin-iniúchta um chosaint leanaí a chomhlánú. Ní  
gá duit doiciméad breise a uaslódáil ag an iarraidh seo. Má éiríonn le  
d'iarratais, is féidir gur gá duit a léiriú go bhfuil beartais agus nósanna  
imeachta oriúnacha um chosaint leanaí curtha i bhfeidhm agat.

## Obair le daoine fásta soghonta

Má bhíonn obair le daoine fásta soghonta i gceist le do thogra, ní mór duit tásc a thabhairt air sin i gcuid 1 den fhoirm iarratais.

Leis sin, aithníonn tú go gcloíonn tú leis an [mBeartas agus Nósanna Imeachta Náisiúnta um Chosaint Daoine Leochaileacha atá i mBaol Drochúsáide](#).

**Tabhair faoi deara:** Is féidir go n-iarrfaimid ort tuilleadh fianaise a chur ar fáil de chomhlíonadh na mbeartas agus na nósanna imeachta sin má éiríonn le d'iarratas.

### 1.10 Incháilitheacht – iarratas nach nglacfaimid leo

Ní ghlacfaimid le d'iarratas sna himthosca seo a leanas:

- Tháinig sé isteach tar éis an spriocdháta d'iarratas.
- Níor uaslódáil tú d'fhoirm iarratas agus d'ábhar tacaíochta trínár dtairseach maoinithe Seirbhísí ar Líne.
- Níor chomhlíon tú na critéir in [1.3 Cé atá i dteideal iarratas a dhéanamh?](#)
- Níor chomhlánaigh tú gach cuid den fhoirm iarratas a bhí riachtanach.
- Níor thug tú an t-ábhar tacaíochta a rabhamar á lorg.
- Níor chuir tú d'ábhar tacaíochta ar fáil san fhormáid cheart. Féach [2.5 Ullmhaigh do chuid ábhair thacaíochta.](#)
- D'iarr tú ar níos mó nó ná an méid atá ceadaithe. Mar sin féin, is féidir leat costais phearsanta rochtana bhrefise do dhaoine faoi mhíchumas a iarraidh má éilítear amhlaidh le do thogra. Féach [Costais rochtana d'ealaíontóirí nó rannpháirtithe faoi mhíchumas.](#)

## Dámhachtain Sparánachta don Rannpháirtíocht sna hEalaíona 2025: Treoirlínte d’iarratasóirí

- Rinne tú iarratas ar ghníomhaíochtaí nó ar chostais nach bhfuil cumhdaithe ag an dámhachtain seo. Féach [1.7 Costais nach féidir leat iarratas a dhéanamh ina leith](#) agus [1.8 Gníomhaíochtaí nach féidir leat iarratas a dhéanamh ina leith](#).
- Tá d’iarratas níos oiriúnaí do dhámhachtain eile de chuid na Comhairle Ealaíon. Cuirfimid an dámhachtain eile in iúl duit sa chás sin.
- Tá d’iarratas níos oiriúnaí do chomhlacht rialtais nó comhlacht poiblí eile.

Má tá d’iarratas neamh-incháilithe,ní dhéanfaimid measúnú air. Sa chás sin, beidh tú i dteideal iarratas a dhéanamh an athuair leis an togra céanna chuig babhta maoinithe éigin amach anseo.

### 1.11 Cabhair theicniúil a fháil do d’iarratas

Le tuilleadh a fháil amach úsáid a bhaint as an tairseach maoinithe Seirbhísí ar Líne, gabh chuig [rannán na gCeisteanna Coitianta \(CC\)](#) dár suíomh gréasáin.

Is féidir leat amharc ar ár dtreoraíocht físeáin freisin ar [d’fhoirm iarratais a íoslódáil, a chomhlánú agus a uaslódáil](#).

Má bhíonn tacaíocht theicniúil uait agus d’iarratas á dhéanamh agat, is féidir leat dul i dteaghmáil leis an gComhairle Ealaíon ar na bealaí seo a leanas:

- **Ríomhphost:** [onlineservices@arts council.ie](mailto:onlineservices@arts council.ie)
- **Guthán:** 01 618 0200 nó 01 618 0243

Tuairiscigh aon fhadhb theicniúil dúinn a luaithe is féidir roimh an spriocdháta (cuir i gcás mura féidir leat do dhoiciméid a uaslódáil).

Spriocdháta: 5.30pm, Déardaoin an 13 Feabhra 2025

Déileálaimid le fiosruithe ar bhonn túis freastail ar an gceann is túisce.

**Tabhair faoi deara:** Is minic a chuirtear líon mór glaonna agus an spriocdháta ag druidim linn. Is féidir nach mbeidh tú in ann na glaonna teicniúla tacaíochta a réiteach má fhaighimid tar éis 2.00pm ar an spriocdháta iad.

Dámhachtain Sparánachta don Rannpháirtíocht sna hEalaíona 2025:  
Treoirlínte d'íarratasóirí

## 2. Sula ndéanfaidh tú iarratas

Ba cheart duit an chuid seo a léamh sula dtosaíonn tú ar d'iarratas.

Tá go leor comhairle mhaith inti chun cabhrú leat d'iarratas a chumadh in am agus ar an mbealach ceart.

### 2.1 An próiseas iarratais a mhiondealú ina chéimeanna

Molaimid an próiseas iarratais a bhriseadh suas sna céimeanna seo a leanas. Cabhróidh sé sin leat chun a chinntíú go gcuireann tú isteach d'iarratas in am.

#### 1. Seiceáil má tá tú incháilithe don dámhachtain seo

Ní dhéanaimid measúnú ach ar iarratais a chomhlíonann na critéir incháilitheachta don dámhachtain seo.

Léigh [1.3 Cé atá i dteideal iarratas a dhéanamh?](#) agus [1.4 Cé nach bhfuil i dteideal iarratas a dhéanamh?](#) lena chinntíú gurb é seo an dámhachtain cheart duit.

#### 2. Cláraigh ar an tairseach maoinithe Seirbhísí ar Líne

Ní mór duit cuntas a cheapadh ar [thairseach maoinithe Seirbhísí ar Líne](#) na Comhairle Ealaíon le hiarratas a dhéanamh.

Cláraigh go luath. D'fhéadfadh sé suas le cúig lá oibre a thógáil orainn do chlárúchán a phróiseáil.

#### 3. Do chuid ábhair thacaíochta a ullmhú

Ní mór duit d'ábhar tacaíochta a uaslódáil tríd an tairseach maoinithe Seirbhísí ar Líne [sna formáidí comhad cearta](#).

Déan cinnte de go mbeidh dóthain ama agat le do dhoiciméid a ullmhú sna formáidí seo.

#### 4. Cuir d'iarratas isteach ar Sheirbhísí ar Líne

Déan cinnte de go rachaidh tú i dtaithí ar an tairseach maioniúcháin Seirbhísí ar Líne sula gcuirfidh tú d'iarratas faoi bhráid. Is smaoineamh maith é sin a dhéanamh roimh an spriocdháta.

#### 2.2 Ag clárú i gcomhair cuntas Seirbhísí ar Líne

Ní féidir linn glacadh ach le hiarratais ar líne don Dámhachtain Sparánachta don Rannpháirtíocht sna hEalaíona. Ní féidir linn glacadh le foirmeacha iarratais ná le hábhar tacaíochta a dhéantar ar bhealach ar bith eile (mar shampla, trí phost, facs nó ríomhphost).

Teastaíonn [cuntas Seirbhísí ar Líne](#) uait le d'iarratas a chur isteach.

#### Iarratasóirí nua

Más rud é go bhfuil iarratas á dhéanamh agat den chéad uair, ba cheart duit clárú le haghaidh do chuntais a luaithe agus is féidir.

D'fhéadfadh sé suas le cúig lá oibre a ghlacadh orainn an próiseas clárúcháin a chomhlánú duit.

Seolfaimid Uimhir Chlárúcháin Ealaíontóra uathúil (UCE) agus pasfhocal chugat le haghaidh do chuntais laistigh de chúig lá oibre.

#### Conas clárú

1. Gabh chuiig [tairseach maoinithe na Seirbhísí ar Líne](#).
2. Cliceáil **Cláraigh**.

## Dámhachtain Sparánachta don Rannpháirtíocht sna hEalaíona 2025: Treoirlínte d'íarratasóirí

3. Roghnaigh Duine aonair.
4. Cliceáil **Ar Aghaidh**.
5. Cuir isteach do sheoladh r-phoist agus uimhir PSP.
6. Cliceáil **Ar Aghaidh**.
7. Faoin **Ainm**, roghnaigh do theideal agus cuir d'ainm isteach.
8. Faoi **Sonraí teaghmhála**, cuir isteach do sheoladh baile agus roghnaigh do thír.
9. Faoi **Ríomhphost** agus **PSP**, cuir uimhir theaghmhála isteach.
10. Iontráil an cód don scagaire turscair.
11. Cliceáil **Cláraigh**.

### Iarratasóirí roimhe seo

Má chláraigh tú le haghaidh cuntais roimhe seo, ní gá duit clárú le haghaidh cuntas nua don iarratas seo.

Ba cheart duit do chuntas agus do UCÉ atá ann cheana a úsáid chun iarratas a dhéanamh. Má tá dearmad déanta agat ar do phasfhocal, is féidir leat [ceann nua a iarraidh](#).

### Riachtanais theicniúla maidir leis na Seirbhísí ar Líne a úsáid

Chun an tairseach mhaoinithe Seirbhísí ar Líne a úsáid, ní foláir do do ríomhaire agus do bhrabhsáláí gréasáin na ceanglais seo a leanas a chomhlónadh.

### PC

- Córas oibriúcháin Windows 7 (nó leagan níos nuaí de Windows)
- An leagan is deireanaí de cheann de na brabhsálaithe seo:

- Microsoft Edge
- Google Chrome
- Safari
- Mozilla Firefox

## Mac

- Mac OS X v10.5 Leopard (nó leagan níos nuaí de Mac OS)
- An leagan is deireanaí de cheann de na brabhsálaithe seo:
  - Microsoft Edge
  - Google Chrome
  - Safari
  - Mozilla Firefox

## 2.3 A chinntiú go ndéanann tú iarratas faoi d'ainm

Ní féidir linn aon mhaoliniú a fhaighimid a íoc ach amháin leis an gcuntas bainc atá i dtaisce an ainm atá cláraithe agat a iontráil tú i gcuid 1.1 den fhoirm iarratais.

Ciallaíonn sé sin nach mór d'aon doiciméadacht a chuireann tú isteach mar chuid de d'iarratas a bheith i d'ainm.

## Sampla

- Déanann tú iarratas chuitg an gComhairle Ealaíon le maoiniú a fháil faoin ainm “Maire de Barra”.
- Aon doiciméadacht a chuireann tú faoi bhráid, ní mór di a bheith faoin ainm sin.

## Dámhachtain Sparánachta don Rannpháirtíocht sna hEalaíona 2025: Treoirlínte d'íarratasóirí

- Ní mór do na sonraí bainc agus na sonraí cánach a chuireann tú isteach a bheith faoin ainm seo.
- Ní ghlacfar le leaganacha éagsúla amhail Mary Barry nó Máire Barry.
- Má eiríonn le d'íarratas, ní íocfaimid maoiniú ar bith a thairgimid ach amháin isteach i gcuntas bainc atá i seilbh d'ainmse.

## 2.4 Seiceáil na bogearraí atá ar do ríomhaire sula ndéanann tú iarratas

Ní mór duit ríomhaire deisce nó glúine a úsáid chun d'íarratas a chur isteach. Ní féidir iarratas a chur isteach agus fón póca, táibléad nó gléas eile in úsáid agat.

Caithfidh tú Microsoft Word (Ríomhaire Deisce) nó OpenOffice Writer chun d'fhoirm iarratais a chomhlánú. Déan cinnte de go bhfuil ceann amháin de na ríomhchláir seo suiteáilte ar do ríomhaire agat.

### OpenOffice a úsáid

Bogearraí saor in aisce is ea OpenOffice Writer is féidir leat a íoslódáil ó [leathanach oifigiúil íoslódálacha OpenOffice](#).

Is féidir leat tuilleadh eolais a fháil maidir le OpenOffice a úsáid chun d'fhoirm iarratais a chomhlánú san [fhíseán seo ón gComhairle Ealaíon](#).

Ní mór duit leagan OpenOffice Writer 4.0.1 nó níos luaithe a úsáid.

Le leaganacha níos déanaí den OpenOffice Writer is féidir an chaoi a dtaispeántar ár bhfoirmeacha iarratais a athrú nuair a chuirtear isteach trí Sheirbhísí ar Líne iad.

Má bhaineann aon fhadhb duit le OpenOffice a shuiteáil nó a úsáid, déan teagháil le [onlineservices@arts council.ie](mailto:onlineservices@arts council.ie) a luaithe agus is féidir. Déantar

amhlaidh lena chinntíú go mbeidh dóthain ama againn chun cuidiú leat an fhadhb a réiteach.

## Nótaí tábhachtacha d'úsáideoirí Apple Mac

Má úsáideann tú Mac leis an gcóras oibriúcháin Mac OS Mojave (10.14) nó níos luaithe, d'fhéadfadh an suíomh gréasáin OpenOffice a insint duit gur gá duit leagan 4.1.1 nó 4.1.2 a íoslódáil.

Déan neamhaird den mholadh seo agus íoslódáil 4.0.1 ina ionad sin.

Má úsáideann tú Mac ar a bhfuil an córas oibriúcháin MAC OS Catalina (10.15) nó níos nuaí, ní bheidh tú ábalta OpenOffice 4.0.1 a íoslódáil.

Caithfidh tú leagan OpenOffice 4.1.11 nó níos nuaí a shuiteáil ina ionad.

## 2.5 Glac do chuid ama chun d'iarratas a ullmhú

Ba cheart duit go leor ama a fhágáil chun ullmhú le d'iarratas a chur isteach. Déantar é seo ionas go mbeidh do dhóthain ama agat chun an t-iarratas is fearr is féidir a dhéanamh.

Íoslódáil an fhoirm iarratais ó do chuntas Seirbhísí Ar Líne a luaithe agus is féidir ionas go mbeidh cur amach agat uirthi.

Déan cinnte go seiceáiltear go ndéantar an méid seo a leanas:

- Tá tú ag cur isteach ar an dámhachtain cheart
- Tá an fhoirm iarratais cheart íoslódálte agat
- Comhlíonann d'iarratas na treoirlínte sa doiciméad seo
- Tá dóthain ama agat chun tascanna an iarratais uile a chomhlánú roimh an spriocdháta.

Dámhachtain Sparánachta don Rannpháirtíocht sna hEalaíona 2025:  
Treoirlínte d'íarratasóirí  
Ba cheart duit d'íarratas a uaslódáil chuig an tairseach maoinithe Seirbhísí ar Líne **48** n-uair an chloig ar a laghad roimh an spriocdháta.

Ar an gcaoi sin, má bhíonn aon fhadhb theicniúil agat, beidh am agat dul i dteagmháil linn chun cuidiú leat.

**Tabhair faoi deara:** Is minic a bhíonn líon mór úsáideoirí ar Sheirbhísí ar Líne ar an tráthnóna deireanach roimh an spriocdháta agus is féidir go dtóigfaidh do dhoiciméid i bhfad níos faide ná mar is gnách le huaslódáil.

## 2.6 Ullmhaigh do dhoiciméid tacaíochta

Ní mór duit doiciméid tacaíochta a áireamh le d'íarratas ar líne i dteannta d'fhoirme iarratais. Cabhraíonn sé seo leis an duine a bhfuil measúnú á dhéanamh aige ar d'íarratas chun tuiscint níos soiléire a fháil ar do thogra.

Lena fháil amach an méid a theastaíonn uait a chur isteach, féach [1.9 An t-ábhar tacaíochta a bheidh ort a chur isteach](#).

Ní glacfaimid ach leis na doiciméid tacaíochta a uaslódálann tú i bhformáid leictreonach chuig tairseach maoinithe Seirbhísí ar Líne. Má tá doiciméid agat nach bhfuil i bhformáid leictreonach, ba cheart duit iad a scanadh agus a shábháil le go mbeidh tú in ann iad a uaslódáil.

Ba cheart duit do dhoiciméid tacaíochta go léir a chur isteach i gcomhaid ar leithligh freisin.

### Na formáidí comhaid a nglactar leo

Seiceáil an tábla thíos chun na formáidí comhaid inghlactha is féidir leat a úsáid mar chuid d'íarratas a fheiceáil. Ní féidir leat ach na cineálacha comhaid seo a chur isteach.

Cineál comhaid	Iarmhír comhadainm
----------------	--------------------

Téacschomhaid	.rtf .doc .docx .txt
Comhaid íomhá	.jpg .gif .tiff .png
Comhaid fuaimé	.wav .mp3 .m4a
Comhaid físe	.avi .mov .mp4
Comhaid scarbhileoige	.xls
Comhaid PDF	.pdf

## Do chomhaid a ainmniú

Is smaoineamh maith é do chomhaid go léir a bhailiú in aon fhillteán amháin ar do ríomhaire ionas gur fusa iad a uaslódáil le chéile.

Úsáid comhadainmneacha a léiríonn go soiléir an méid atá iontu nó an méid a léirítéar leo.

Ba cheart go mbeadh sé soiléir ó ainm an chomhaid cibé is CV, bileog buiséid nó cineál eile ábhair thacaíochta atá sa doiciméad.

Seo a leanas roinnt samplaí de chomhaid le hainmneacha soiléire le tabhairt ar chomhaid i gcás iarratasóra darb ainm Jack Russell:

## Dámhachtain Sparánachta don Rannpháirtíocht sna hEalaíona 2025: Treoirlínte d'íarratasóirí

- Jack Russell - larratas ar Sparánacht Ailtireachta.docx
- Jack Russell - Gearrthóg Thaibhithe.mp4
- Jack Russell - Costais Rochtana Phearsanta do Dhaoine faoi  
Mhíchumas.doc

**Tabhair faoi deara:** Ná húsáid na carachtair " \* :<>? / \ in ainmneacha na gcomhad.

### Uasteorainn ar mhéid an chomhaid

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

### 2.7 Ullmhaigh do naisc URL

Chun samplaí de do chuid oibre a sholáthar dúinn, is féidir leat na nithe seo a leanas a dhéanamh:

- lad a uaslódáil go díreach chuig Seirbhísí Ar Líne
- Naisc URL a úsáid (na seoltaí iomlána ina bhfuil d'ábhar óstáilte) chuig ardáin sruthaithe.

Más mian leat naisc a úsáid, cóipeáil na URLanna isteach i ndoiciméad Microsoft Word (Deasc), OpenOffice Writer nó PDF. Ansin, uaslódáil an doiciméad i Seirbhísí Ar Líne i dteannta do dhoiciméad tacaíochta.

Is samplaí áirithe d'ardáin chomhroinnte inghlactha iad YouTube, Vimeo, SoundCloud agus Bandcamp.

Ní ghlaicaimid le naisc chuig na foinsí seo a leanas:

- Suíomhanna ar féidir comhaid a roinnt orthu amhail Google Drive nó OneDrive
- Ardáin na meán sóisialta amhail Meta nó Instagram
- Ardáin sruthaithe a chuireann teorainn le rochtain ar shíntiúsóirí íochta
- Do láithreán gréasáin pearsanta féin.

**Tábhachtach:** Ní féidir leat ach samplaí oibre a sholáthar trí URLanna a úsáid. Ní mór duit doiciméid tacaíochta eile amhail CVanna nó litreacha tacaíochta a uaslódáil mar chomhaid.

## Leideanna chun naisc URL a úsáid

- Ní féidir le measúnóirí úsáid a bhaint ach amháin as na naisc URL a chuireann tú ar fáil.
- Déan cinnte de go n-oibreoidh gach nasc a sheolann tú agus go dtabharfaidh na naisc an breathnóir chuig an bhfoinse cheart.
- Déan cinnte de go socróidh tú ceadanna féachana d'ábhair chuig ‘Poiblí’.
- Ní bheimid in ann féachaint ar ábhair atá socraithe mar ábhair atá “Príobháideach”.
- Más mian leat físeán YouTube a roinnt linn ach nach dteastaíonn uait go mbeadh an físeán poiblí, is féidir leat [socrú príobháideachta d'fhíseáin a athrú go “Neamhliostaithe”](#).

### 3. D'fhoirm iarratais a chomhlánú

Tá treoir i ngach cuid den fhoirm iarratais chun cabhrú leat a fháil amach an méid atá le cur san áireamh. Is féidir leat na leideanna thíos a úsáid freisin chun cabhrú leat na ceisteanna san fhoirm a fhreagairt.

Nuair a fhreagraíonn tú iad, smaoinigh ar an méid seo a leanas:

- Do chuntas teiste agus do chumas féideartha
- An chaoi a gcabhróidh do thogra leat scileanna agus smaointe nua a fhorbairt
- An tionchar a d'fhéadfadh a bheith ag do thionscadal (e.g. ar lucht féachana nó ar phobal)
- An chaoi a réitíonn do thogra le réimse do chleachtais
- Cé chomh hinoibrithe agus atá do thogra (e.g. más féidir do thionscadal a chur i gcrích laistigh den bhuiséad agus den fhráma ama a mholtar)

Ní mór duit gach cuid riachtanach den fhoirm iarratais a chomhlánú. Mura ndéanann tú amhlaidh, beidh d'iarratas neamh-incháilithe agus ní féidir linn é a mheasúnú.

**Tábhachtach:** Tá formáid speisialta ag an iarratas ionas gur féidir linn faisnéis a bhaint uaidh le measúnú a dhéanamh uirthi.

Tá sé fíorthábhachtach go ndéanann tú na nithe seo a leanas:

- Clóscríobh taobh istigh de na boscaí liatha san fhoirm
- Gan iad a scriosadh ná clóscríobh taobh amuigh díobh.

Mura gcloíonn tú leis an gcomhairle seo, ní uaslódálfar d'fhoirm iarratais.

## 4. D'iarratas a chur isteach

Tar éis duit d'fhoirm iarratais a chomhlánú, féadfaidh tú na céimeanna thíos a leanúint lena huaslódáil ar thairseach maoinithe na Seirbhísí ar Líne agus í a chur isteach.

### 4.1 Logál isteach chuig do chuntas chun túis a chur le d'iarratas

1. Téigh chuig [leathanach logála isteach na Seirbhísí Ar Líne](#).
2. Logál isteach chuig do chuntas.
3. Cliceáil **Déan larratas** ag bun an leathanaigh.

### 4.2 Déan do shonraí teaghála a sheiceáil

4. Faoi Dearbhú aitheantais, seiceáil go bhfuil na sonraí teaghála cruinn.
5. Má tá siad cruinn: cuir tic leis an ticbhosca in aice le **Deimhnigh go bhfuil do chuid sonraí cruinn**.
6. Mura bhfuil siad cruinn: cliceáil **An gá duit do phróifíl a nuashonrú?** agus déan do shonraí teaghála a nuashonrú.
7. Cliceáil **Ar Aghaidh**.

### 4.3 Roghnaigh an maoiniú ar mian leat iarratas a dhéanamh air

8. Faoi **Roghnaigh clár maoinithe**, roghnaigh **Sparánacht** trí úsáid a bhaint as an roghchlár anuas **Maoiniú**.
9. Faoi **Dámhachtain atá Ar Fáil**, roghnaigh an fhoirm ealaíne nó an cleachtas ealaíón ábhartha.

Dámhachtain Sparánachta don Rannpháirtíocht sna hEalaíona 2025:  
Treoirlínte d'íarratasóirí

10. Iontráil aim le haghaidh d'íarratais sa réimse **Do thagairt**.
11. Cliceáil **Íoslódáil foirm iarratais** leis an bhfoirm a íoslódáil don dámhachtain seo. [Faigh tuilleadh eolais maidir le d'fhoirm iarratais a chomhlánú](#)
12. Cliceáil **Ar Aghaidh**.

**Tabhair faoi deara:** Le linn duit an fhoirm a chomhlánú, is féidir go logálfar amach as Seirbhísí ar Líne thú. Is féidir leat síniú isteach arís chun leanúint ar aghaidh le d'íarratas a chur isteach.

#### 4.4 Iontráil méid an mhaoinithe atá á iarraidh

13. Faoi **An méid atá á iarraidh san iarratas**, iontráil an méid ba mhaith leat a iarraidh, an t-ioncam iomlán a bhfuil coinne agat leis, agus an caiteachas iomlán a bhfuil coinne agat leis.
14. Ba cheart gurb ionann **an Méid atá á iarraidh** agus **Caiteachas iomlán lúide loncam iomlán**.

**Tabhair faoi deara:** Ba cheart go dtiocfadh na méideanna a iontrálann tú anseo leis na méideanna a d'iontráil tú i do chomhad buiséid mionsonraithe.

15. Cliceáil **Ar Aghaidh**.

#### 4.5 Uaslódáil do dhoiciméid

16. Faoi **Uaslódáil foirm iarratais**, cliceáil **Roghnaigh Comhad**.
17. Roghnaigh d'fhoirm iarratais ón áit ar shábháil tú í ar do ríomhaire.

## 18. Cliceáil **Uaslódáil**

**Tabhair faoi deara:** Má fheiceann tú teachtaireacht a deir ‘Ní féidir foirm a uaslódáil’, déan iarracht d’fhoirm iarratais a shábháil mar chomhad .doc agus uaslódáil arís í. Murar féidir leat í a uaslódáil fós, [déan teagmháil linn](#).

19. Faoi **Uaslódáil ábhar tacaíochta**, roghnaigh an cineál doiciméid is mian leat a uaslódáil trí úsáid a bhaint as an roghchlár anuas.

**Tábhachtach:** Ná roghnaigh ‘Postáil doiciméad’.

20. (Roghnach) Cuir nóta leis anseo le cur síos a dhéanamh ar an ábhar a bhfuil tú á uaslódáil.

21. Cliceáil **Brabhsáil**.

22. Roghnaigh an comhad doiciméid tacaíochta ó do ríomhaire.

23. Cliceáil **Uaslódáil**

24. Athdhéan céimeanna 19–23 le haghaidh gach ceann de do dhoiciméid tacaíochta.

25. Cliceáil **Ar Aghaidh**.

## 4.6 Cuir d’iarratas isteach

26. Déan na sonraí faoi d’iarratas a sheiceáil go cúramach.

27. Faoi **Dearbhú**, cuir tic leis an ticbhosca in aice le **Aontaím leis an dearbhú thuas**.

**Tabhair faoi deara:** Ní féidir leat d’iarratas a chur isteach mura gcuireann tú tic leis an mbosca seo.

28. Cliceáil **Cuir isteach**.

Dámhachtain Sparánachta don Rannpháirtíocht sna hEalaíona 2025:  
Treoirlínte d'íarratasóirí

## Nótaí faoi d'íarratas a chur isteach

- Cliceáil **Sábháil Dréacht** tráth ar bith chun d'íarratas a shábháil gan é a chur isteach.
- Is féidir leat teacht ar ais chuig d'íarratas agus athruithe a dhéanamh air go dtí go gcuirfidh tú isteach é.
- Tar éis duit d'íarratas a chur isteach, ní bheidh tú in ann aon athrú eile a dhéanamh. Athbhreithníg go cúramach é sula seolfaidh tú isteach é.
- Má thugann tú faoi deara go bhfuil botún déanta agat tar éis duit d'íarratas a chur isteach, déan teagmháil linn a luaithe agus is féidir.

## An dteastaíonn tacaíocht theicniúil uait?

Déan teagmháil linn má bhíonn tacaíocht theicniúil uait agus d'íarratas á chur isteach agat.

- **Ríomhphost:** [onlineservices@arts council.ie](mailto:onlineservices@arts council.ie)
- **Guthán:** 01 618 0200 nó 01 618 0243

Ní féidir linn tacaíocht theicniúil a ráthú duit má chuireann tú glaoch tar éis 2.00pm ar an spriocdháta.

## 5. Tar éis duit iarratas a chur isteach – an méid a tharlaíonn ansin

Tar éis duit d'iarratas a chur isteach, gheobhaidh tú an méid seo a leanas:

- Ríomhphost láithreach chun a chur in iúl duit go bhfuaireamar d'iarratas
- An dara ríomhphost cúpla nóiméad ina dhiaidh sin le d'uimhir iarratais.

**Tabhair faoi deara:** Mura bhfaigheann tú na ríomhphoist sin uainn, déan teagmhál linn ag [onlineservices@arts council.ie](mailto:onlineservices@arts council.ie) a luaithe agus is féidir.

Do do chinneadh, gheobhaidh tú:

- Ríomhphost laistigh de 12-15 seachtaine a inseoidh duit **murar** cuireadh d'iarratas ar an ngearrliosta. Má chuirtear d'iarratas ar ghearriosta, déanfaidh an coiste athbhreithniú air.
- Ríomhphost laistigh de 12-15 seachtaine a inseoidh duit má d'éirigh le d'iarratas nó murar éirigh leis.

**Tabhair faoi deara:** Braitheann an t-achar ama sin ar líon na n-iarratas a fhaighimid.

### 5.1 An chaoi a ndéanaimid cinntí

Déanann an Chomhairle Ealaíon measúnú ar gach iarratas incháilithe a fhaighimid. Déanaimid cinntí maidir leis na hiarratais sin agus cuirimid ár gcinntí in iúl d'iarratasóirí de réir ár nósanna imeachta.

Is é an aidhm atá againn a chinntiú go bhfuil córas cothrom tréadhearcach ann maidir le maoiniú a dhámhachtain.

Dámhachtain Sparánachta don Rannpháirtíocht sna hEalaíona 2025:

Treoirínté d'íarratasóirí

Próiseálaimid na hiarratais go léir a fhaighimid mar a leanas:

1. Déanaimid incháilitheacht an iarratais a sheiceáil. Téann gach iarratas incháilithe ar aghaidh chuíg an gcéim mheasúnaithe.
2. Cuirimid gach iarratasóir neamh-incháilithe ar an eolas trí ríomhphost.
3. I roinnt cásanna, d'fhéadfaimis a bheith den bharúil go mb'fhéidir nach é an réimse ealaíon a ndearna tú iarratas air ar an gceann is oiriúnaí do do thogra. Sna cásanna sin, rachaimid i dteagmháil leat agus fiafróimid díot má tá tú sásta go mbogfar d'iarratas chuíg foireann ealaíon níos oiriúnaí. Is féidir leat rogha a dhéanamh ansin é a bhogadh nó é a fhágáil mar atá sé.
4. Déanann foireann agus comhairleoirí na Comhairle Ealaíon measúnú ar iarratais incháilithe bunaithe ar na critéir mheasúnaithe agus ar ár bpróiseas scórála.
5. Molann foireann agus comhairleoirí na Comhairle Ealaíon roinnt iarratas don ghearrliosta.
6. Déanann an piarphainéal athbhreithniú ar na hiarratais go léir ar an ngearrliosta agus an t-ábhar tacaíochta a bhaineann leo. Cuireann an painéal scór leis na hiarratais agus déanann sé na cinntí ansin.
7. Cuirimid na cinntí in iúl trí ríomhphost d'iarratasóirí.
8. Tugann bord na Comhairle Ealaíon cinntí an mheasúnóra faoi deara.

Is í an foireann ealaíon don dámhachtain a roghnaigh tú sna Seirbhísí ar Líne príomh-mheasúnóir d'iarratais.

Má roghnaigh tú foirmeacha ealaíon nó cleachtais ealaíon eile i d'iarratas freisin, is féidir go n-iarrfaidh an príomh-mheasúnóir ar fhoirne ealaíon eile measúnú a dhéanamh air.

## 5.2 An chaoi a ndéanaimid measúnú ar d'iarratas

Is dámhachtainí iomaíocha iad dámhachtainí na Comhairle Ealaíon.

Déanaimid iarratais a mheasúnú sa chomhthéacs iomaíoch sin. Tabharfaimid san áireamh freisin na hacmhainní a bhíonn ar fáil do na hiarratasóirí.

In 2024, d'éirigh le 19% de na hiarratais ar Dhámhachtain Sparánachta don Rannpháirtíocht sna hEalaíona. Bhí 67 iarratas ann agus fuair 13 iarratas maoiniú.

Déanfar d'iarratas a mheasúnú ar bhonn na nithe seo a leanas:

- Caighdeán ealaíonta
- Na bealaí ina gcomhlíonann an togra cuspóirí agus tosaíochtaí na dámhachtana
- Indéantacht.

### Caighdeán ealaíonta

I gcás ár measúnaithe ar chaighdeán ealaíonta, dírítear ar do chleachtas ealaíontóra roimhe seo agus ar an gcineál togra atá ann.

Áirítear leis an measúnú seo:

- Do chuntas teiste agus an cumas a léirigh tú ar d'fhoirm iarratais, do CV agus aon ábhar tacaíochta eile a cuireadh isteach
- An ghníomhaíocht ealaíon nó na gníomhaíochtaí ealaíon atá beartaithe de réir mar a luaigh tú san fhoirm iarratais
- An cleachtas atá léirithe agat leis an ábhar tacaíochta a chuir tú isteach
- Comhthéacs na foirme ealaíne/an chleachtais ealaíon lena mbaineann do ghníomhaíocht bheartaithe

## Dámhachtain Sparánachta don Rannpháirtíocht sna hEalaíona 2025:

### Treoirínté d'íarratasóirí

- An uaillmhan, an úrnuacht agus an inniúlacht atá léirithe agat
- **Má tá sé i gceist agat a bheith ag obair le meantóir:** cuntas teiste an mheantóra agus caighdeán an chláir meantóireachta mar a léirítéar leis an bhfoirm iarratais, an CV agus leis na hábhair thacaíochta eile a cuireadh isteach
- **Má tá sé i gceist agat a bheith ag obair le heagraíochtaí comhpháirtíochta:** caighdeán agus oriúnacht na dtacaíochtaí atá á dtairiscint ag eagraíochtaí comhpháirtíochta.

## Cuspóirí agus tosaíochtaí na dámhachtana a chomhlíonadh

Déanaimid iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh. Féach [1.1 Cuspóirí agus tosaíochtaí na dámhachtana](#) chun tuilleadh eolais a fháil.

Sa mheasúnú seo, cuirtear an méid seo a leanas san áireamh:

- An méid tairbhe a bhainfeadh do chleachtas ealaíon as an ghníomhaíocht mholta agus conas mar a d'fhéadfaí é a fhorbairt mar thoradh air sin
- Conas mar a théann do ghníomhaíocht mholta i ngleic le tosaíochtaí na dámhachtana.

## Indéantacht

Déanfaimid indéantacht d'iarratais a mheasúnú, bunaithe ar an gcaoi a léiríonn tú do chumas chun do ghníomhaíochtaí beartaithe a sholáthar.

Braithfidh na gnéithe indéantachta a ndéanfaimid measúnú orthu ar an snáithe a roghnaíonn tú.

Sa mheasúnú seo, cuirtear an méid seo a leanas san áireamh:

- Indéantacht do chláir ama nó do sceidil bheartaithe
- An méid maoinithe atá á lorg agat i gcomparáid le nádúr agus fad na hoibre beartaithe ó thaobh na hindéantachta de
- Más ábhartha, infhaighteacht na dtacaíochtaí/na gcomhpháirtithe eile a d'ainmnigh tú san iarratas.

### 5.3 Próiseas an phiarphainéil

Bainimíd úsáid as piarphainéil ionas go mbeidh réimse de shaintuairimí inár bpróiseas meastóireachta.

Bíonn ar a laghad triúr breithneoirí seachtracha ar phiarphainéal. Go ginearálta, bíonn an méid seo a leanas ag na moltóirí seo:

- Saineolas ábhartha san fhoirm ealaíne
- Saineolas cleachtais ealaíon
- Eolas leathan oibre agus tuiscint ghinearálta ar na healaíona gairmiúla.

I gcás foirmeacha ealaíne a ndéantar líon níos lú iarratas ina leith, féadfaimid painéis a thionól chun grúpaí iarratas a mheas ag an gcruiinniú céanna den phainéal.

Bíonn comhalta de chuid na Comhairle Ealaíon i gceannas ar gach cruiinniú piarphainéil de ghnáth agus gníomhaíonn an comhalta sin mar chathaoirleach gan ceart vótála. Freastalaíonn foireann na Comhairle Ealaíon agus na comhairleoirí freisin más gá. Bíonn baill foirne a raibh baint acu i

Dámhachtain Sparánachta don Rannpháirtíocht sna hEalaíona 2025:

Treoirínte d'íarratasóirí

measúnú tosaigh na n-iarratas ar fáil chun eolas a thabhairt do na piarphainéil más gá.

Beidh rochtain ag lucht an phainéil ar gach iarratas ar an ngearrliosta agus ar an ábhar gaolmhar go léir roimh lá an chruinnithe. Le linn an chruinnithe, déanann siad na hiarratais ar an ngearrliosta a athbhreithniú, a phlé agus a scóráil. Ansin déantar na hiarratais ar an ngearrliosta a rangú de réir an scóir.

**Tabhair faoi deara:** Tá leibhéal ard iomaíochta ann do na dámhachtainí. Ní féidir leis an gComhairle Ealaíon ach maoiniú a chur ar fáil do sciar na n-iarratas a fhaighimid.

## Próiseas scórála an phainéil

larraimid ar gach ball painéil na hiarratais a scóráil de réir an chórais seo a leanas:

- **A – Caithfear a Maoiniú (10 bpointe):** Comhlíonadh critéir go léir na dámhachtana san iarratas agus tá maoiniú tuillte aige ar an mbonn sin, suas leis an méid atá á iarraigdh (más féidir).
- **B – Ba Chór a Maoiniú (8 bpointe):** Chomhlíon an t-iarratas na critéir go suntasach agus tá maoiniú tuillte aige dá bharr sin, má tá buiséad na scéime maoinithe sách mó.
- **C – D’fhéadfaí a Maoiniú (5 phointe):** Comhlíonadh na critéir san iarratas, ach ní an oiread céanna leis na hiarratais eile.
- **D – Ní Tosaíocht é (2 phointe):** Níor chomhlíon an t-iarratas na critéir maith go leor agus níl maoiniú tuillte aige dá bharr sin.

## 5.4 Dearbhú leasa

Tá Beartas maidir le Coinbhleacht Leasa (CL) ag an gComhairle Ealaíon lena chinntiú nach mbíonn tionchar éagórach le brath sa phróiseas measúnaithe.

Le cóir agus cothroime sa chinnteoireacht a áirithiú, ní mór do bhaill foirne, do chomhairleoírí agus do phainéalaithe coinbhleacht leasa a dhearbhú i gcás ina bhfuil:

- dlúthcheangal pearsanta nó gairmiúil acu leis an iarratasóir
- siad nasctha ar aon bhealach leis an iarratas.

Is féidir le ‘leas’ a bheith ar bhonn ‘airgeadais’ nó ‘neamhairgeadais’.

- Féadann ‘leas’ a bheith ina ‘leas airgid’: ina bhféadfadh duine tairbhe airgeadais a bhaint as cinneadh.
- Féadann leas a bheith ina ‘leas neamhairgid’: gaol muintire, nó comhpháirtíochtaí, caidrimh phearsanta, nó comhpháirtíochtaí gnó idir fhoirmiúil agus neamhfhoirmiúil, etc.

Ní mór don bhall foirne, don chomhairleoír nó don phainéalaí a leas a dhearbhú a luaithe agus is eol dóibh é.

Cinnteoidh an Chomhairle Ealaíon nach mbeidh baint ag an mball foirne, ag an gcomhairleoír ná ag an bpainéalaí le haon ghné den phróiseas cinnteoireachta a bhaineann leis an iarratas seo.

### Dearbhú leasa na bpainéalaithe

Ní mór do lucht an phainéil coinbhleacht leasa a fhógairt a luaithe agus is eol dóibh í. D’fhéadfadh sé sin tarlú ag an bpointe nuair a iarrtar air/uirthi suí ar an

Dámhachtain Sparánachta don Rannpháirtíocht sna hEalaíona 2025:  
Treoirlínte d’iarratasóirí  
bpainéal (más eol an ‘leas’ ag an bpointe sin) nó tar éis liosta na n-iarratasóirí  
a fháil.

Nuair a fhógraíonn painéal coinbhleacht leasa, ní bhfaighidh siad ábhar meastóireachta maidir leis an iarratasóir sin. Beidh air nó uirthi an seomra a fhágail nuair a bhíonn an t-iarratas ar leith á athbhreithniú. Vótálfaidh an Cathaoirleach in ionad an phainéalaí.

I roinnt cásanna, d’fhéadfadh sé nach n-aithneodh comhalta painéis go bhfuil coinbhleacht leasa ann go dtí go bhfaigheann agus go ndéanann sé/sí athbhreithniú ar an ábhar meastóireachta. Sna cásanna sin, ní mór don chomhalta painéis ball foirne den Chomhairle Ealaíon nó cathaoirleach an phainéis a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Má chuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéis, ní mór dóibh é sin a dhearbhú a luaithe agus is eol dóibh go bhfuil a leithéid ann agus an fógra sin a thabhairt i scríbhinn roimh an gcruiinniú. Sa chás sin, beidh ceann na foirne ealaíon ábhartha mar chathaoirleach ar an bplé a dhéanfar maidir leis an iarratas.

## 5.5 Na céad chéimeanna eile sa chás go n-éiríonn le d’iarratas

Má éiríonn leat, seolfaimid ríomhphost chugat le tairiscint ann.

Cuirfear litir thairisceana chugat ina sonrófar méid an mhaoinithe atá tugtha againn, agus téarmaí agus coinníollacha na dámhachtana. Gheobhaidh tú faisnéis freisin faoin gcaoi le do dhámhachtain a tharraingt anuas.

Ní mór duit glacadh le do thairiscint mhaoinithe trí do chuntas Seirbhísí ar Líne.

Gheobhaidh tú an treoir íocaíochta maidir leis an dámhachtain seo i ríomhphost ar leithligh. Tá treoracha ann ar an dóigh le glacadh le do thairiscint agus an maioniú a tharraingt anuas.

## 5.6 Na céad chéimeanna eile sa chás nach n-éiríonn le d'iarratas

Faigheann an Chomhairle Ealaíon líon mór iarratas. Bíonn an t-éileamh ar mhaoiniú i gcónaí níos mó ná na hacmhainní atá le fáil.

Mura n-éireoidh le d'iarratas, is féidir leat aiseolas a iarraidh ar fhoireann na Comhairle Ealaíon.

**Tabhair faoi deara:** Má chomhlíonann tú ár dtreoirlínte maidir le hincháilitheacht agus nósanna imeachta d'iarratais, ní rathú é sin go bhfaighidh tú maioniú.

### Iarratas a dhéanamh an athuair leis an ngníomhaíocht chéanna

Mura n-éiríonn le d'iarratas, ní féidir leat iarratas a dhéanamh ar an ngníomhaíocht chéanna do dhámhachtain eile na Comhairle Ealaíon.

Má cheapaimid gur fearr a oireann do thogra do dhámhachtain dhifriúil, féadfaimid eisceacht a dhéanamh.

Sa chás sin, rachaimid i dteagmháil leat.

## 5.7 Achromharc a dhéanamh

Is féidir leat achomharc a dhéanamh i gcoinne cinnidh maoinithe más rud é go gceapann tú:

Dámhachtain Sparánachta don Rannpháirtíocht sna hEalaíona 2025:  
Treoirlínte d'íarratasóirí

- Níor chloíomar lenár nósanna imeachta foilsithe don riachán agus don mheasúnú
- Níor chuireamar i bhfeidhm ár nósanna imeachta foilsithe don riachán agus don mheasúnú go cóir.

Ní mór duit a bheith in ann na cúiseanna le d'achomharc a thaispeáint dúinn.

Tuilleadh eolais faoinár bpróiseas achomharc